



Amt für Kultur
Uffizi da cultura
Ufficio della cultura

Agiunta Biblioteca chantunala dal Grischun

Segirar e cataloghisar ils bains culturals audiovisuals e retrocataloghisar sco er intermediar las infurmaziuns en in portal d'internet.

La biblioteca chantunala dal Grischun ha registrà films e portatuns d'ina relevanza istorica da e davart il Grischun en ina banca da datas centrala. Las infurmaziuns davart medias ed auturs che sa chattavan fin ussa en tezleras, èn vegnidas digitalisadas. Tut las infurmaziuns èn accessiblas sur in portal online.

La biblioteca chantunala dal Grischun na posseda betg mo effectivs voluminus da cudeschs, mabain ha er l'incumbensa da rimnar reticas. Durant ils ultims 4 onns ha ella tschertgà activamain documents da film, da video e da tun davart il Grischun ed ha registrà las infurmaziuns en chaussa en ina banca da datas concepida da nov. Quest project ha chattà grond interess, perquai che films, cassetas da video, bindels magnetic sco er discs cumpacts sa laschan tegnair en salv mo limitadamain. Instituziuns e persunas privatas han fatg numerusas donaziuns u dà numerus emprests sco p.ex. las collecziuns Armano Abeni, Carl Brandt, ils films da Möckli u la collecziun Cuntrada da films dal Grischun dal sid. In dals films ils pli vegls deriva da Richard Cafilisch. Il film mussa il quartier Lürlibad da Cuira durant ils onns 1920. Digitalisads ed integrads en la banca da datas han pudì vegnir tut en tut 6500 titels, da quels 1900 films, 2400 videos e 2200 documents da tun. Oz èn questas contribuziuns accessiblas sin la pagina d'internet av-mediportal.gr.ch e pon vegnir vesidas u tadladas en la biblioteca chantunala dal Grischun, sco er mintgamai en las instituziuns che las possedan.

Il segund project da la biblioteca chantunala dal Grischun è stà la recataloghisaziun dals inventaris ch'eran registrads en la tezlera. En il rom dal punct central da svilup è la tezlera, digitalisada l'onn 2012, cun inscripziuns da 150 000 cartas en il catalog tenor auturas ed auturs, da 10 800 cartas en il catalog da periodicas e da 208 000 cartas en il catalog tenor materias, vegnida transferida cumpletmain en il catalog online da la biblioteca chantunala dal Grischun. Il team da la biblioteca chantunala dal Grischun ha duvrà totalmain 1700 uras per la controlla da qualidad e per lavurs da correctura. Oz èn registradas tut las medias da la biblioteca chantunala dal Grischun en il catalog online.

Infurmaziuns:

Petronella Däscher, bibliotecaria chantunala, tel. 081 257 28 21, e-mail Petronella.Daescher@kbq.gr.ch

Gremi: biblioteca chantunala dal Grischun

Funtauna: rg biblioteca chantunala dal Grischun